

卷之二

大唐開元占經卷之八十九卷

彗星晝見

彗星晝見所臨之國其下當為河天地合矣

晉愍帝大安元年夏四月彗星晝見不行

彗字紀日

孝經雌雄圖曰彗在日旁子欲殺父

又曰四彗在日中君有德天下歡此大豐盛也

石氏曰彗星守日候星精也天下大亂兵革大起

群臣並謀天子亡期不出三年

玉曆曰彗星貫日臣殺君子弑父若貫日過事必
然期百日遠一年

彗星犯月

聖治符曰彗星入月中必有破軍死將兵大起其

国有火災此三年大飢

洛書曰彗星入月中必有亡軍亡將起以國

海中占曰彗入月兵大起有臣欲入其君者十二

年大飢若入月中臣無光不出其年亡國若星出

大彗之亡國復立

河圖曰彗星角繫月臣弑其主

戰國策曰雖謂秦王言專諸刺王僚彗星繫月

甘氏曰彗星在月首必有大兵起者將軍死有决

地之君期不出二年

文曜鉤曰彗星之行掩月五星拂而過兵大起必

有戰有死將臣專政逐其主王者憂期三年

孝經雌雄圖曰彗星在月中臣當坐君子憂死

齊伯曰彗星貫月天下有大兵臣弑其主若女主

當之期一年遠二年

彗星犯五星

黃帝占曰彗星出入太白長可六丈金火之兵大
用大戰流血天下更改期三年遠五年

石氏曰彗星出守五星候稱皇天下兵起諸侯並
謀天子亡

彗孛犯二十八宿

角宿

甘氏曰彗孛干犯兩角間白者軍起不戰邦有大
喪其色赤戰芒所指必有破軍侵城期七十日

彗或三年

石氏曰彗星出角天下大亂更改易王暴兵起必
有戰期三年中五年遠九年

陳卓曰彗星出角天子兵起王庭殺大貴大疾疫
韓揚曰彗星出角右黨恣外連禍

郝萌曰彗星出入角長可七八尺天下更改金火
之兵大用

魏甘露二年十一月彗星見角色白景元元年高
貴卿分帥左右兵襲晉文王未交戰為成濟所

害之徵也

漢哀帝興寧元年八月有星孛于角亢入天市三年正月皇后王氏崩二月哀帝崩三月慕容攻洛陽沈勁等戰死

亢宿

黃帝占曰彗孛干犯亢其國有昏釋舊布新易帝王近期百八十日遠一年

甘氏曰彗滂干犯亢中國不安兵起政亂期一年巫氏曰彗孛出亢天下大飢其國有兵人民多疫

古人相食期不出三年

荊州占曰彗出亢天子失德天下大飢有水兵疫陳卓曰彗出亢為兵喪五谷不成

魏景元三年十一月壬寅彗星見亢色白長五丈亢積四十五日滅鍾會鄧艾伐蜀克之會艾自反亂

晉孝武寧康二年三月丙戌彗星出亢移及角軫翼張長十丈東北指十一月天門逆忠賊攻群吏民咸遠將軍栢石虔破羗賊姚萇于墊江

氏宿

黃帝占曰彗星干犯氏大臣殺其主兵大起更政
近期百六十日遠期一年

陳卓曰彗干犯氏大赦天下失德糴大貴

甘氏曰彗入于氏中後宮有亂暴兵驟起不出百
八十日遠三年

黃帝曰彗星入氏房間約縉索索如冬木無葉從
風而倚此星出為兵戎乃歲星之變見一年內
石氏曰彗孛出氏天子不安有大赦中宮有亂暴

兵起不出百八十日

又曰彗星出起氏中天子不安宮移徙必失產

彗星出氏中天下大赦其歲民大疫惡之未大
貴有兵事

宋少帝景初元年十月戊午有星孛于氏北尾長
三四丈向西北指貫攝提向大角東行日長六
七十餘日歲明年五月徐美之等廢帝

房宿

甘氏曰彗滂干犯房有亡國兵起民飢骨肉相殘

又曰彗星出房大兵起水旱不調人多飢死者
去其田宅 一曰人相食期不出二年

石氏曰彗從房天子急行無為逆諸侯舉兵守國
郝萌曰彗出房中國大飢有兵擅興在道傍牙戟
在野戰鬪不止蜚虫橫下

陳卓曰彗星出房山有崩裂

尚書中候曰星孛出房曰邦有災殃

考異彗曰彗星貫房王室大亂

却萌曰彗星如房後百二十日有火災

春秋魯昭公十七年冬星孛大辰西及漢魯大夫

申須曰彗所以除舊布新天示恒象今除於火

火出必布諸侯其有火災乎梓慎曰往年吾見

之是其後也火作其在宋衛陳鄭乎宋大辰之

虛也陳大皞之虛也鄭祝融之虛也皆火房也

漢水祥也衛顛頊之虛也水火之壯也其以丙

子若壬午作乎水火所以合也明年五月壬午

作乎水火所以合也宋衛陳鄭四國同日火災

荆州占曰彗孛干房赤帝之受命人主出有亡國

甄曜度曰彗星守房天下有喪麻鏘鏘天子亡不出其年

春秋孔演圖曰彗守房天下有喪君主亡大人有憂

詩含神霧曰彗出房蒼之芒彗干鈎鈐王宮大亂不出三年

心宿

堯圖曰大辰有孛主謀見然必有立王相射代春秋緯曰星彗干大辰國分為二大夫制君

潛潭巴曰有星彗干大辰受命之君大振兵戈旋爭于野

孔演圖曰彗星賊起入大辰天帝謀易主

春秋感精符曰孛星賊起光入大臣者將有陰謀以和犯正與天子爭勢居位者大臣謀主兩王並立國分之異也

易緯曰彗星守大辰東方之疫天子亡

春秋緯曰彗守大辰天子哭

黃帝占曰彗星出心兵起宮中劍戟交錯大臣相

疑有戮死者近七十日遠期一百八十日

春秋運斗樞曰孛之守心主位分大臣謀上天承

凶

玄冥曰彗星出心若守之天子有喪德令不出蝗

虫大起民大飢流亡去其鄉期一年遠二年

又曰有大水五穀不成

石氏曰彗孛犯守心星宮鍾大鳴劍戟交橫大臣

相疑天下兵起心變其急近期七日中七十日

遠百八十日

宋天文志曰安帝義熙十一年五月甲申彗星出

天市掃帝位在房心北宋之分野占曰得彗柄

者興除舊布新宋興之象也

尾宿

合誠圖曰掃出尾箕間狀如蓬百強臣專權

陳卓曰彗星出尾宿兵革羅弊天下大飢君子賣

衣小人賣妻歲多大風大雨

海中占曰彗星出入尾后相貴臣誅兵起宮門宮

人走出國易政期一年中二年遠三年

石氏曰彗孛干尾后妃有以珠玉簪珥惑天子而
起譖誣者后與相貴臣皆有殃兵起宮門宮人
走出土功大興近期百八十日遠期一年
漢文帝七年九月孛星于西方其本直尾箕末指
虛長丈餘入漢十六日不見後三年吳楚七國
同時皆反

箕宿

石氏曰彗星出箕夷狄為亂兵大起天下大旱糴
貴十倍人多飢死者大半期二年

海中占曰彗出箕天下大飢大臣有見棄捐者
聖洽符曰彗星出入箕天下大旱谷貴人民飢死
十有五者

斗宿

詩含神霧曰彗孛干犯南斗其國必亂兵大起期
一年

陳卓曰彗孛長干犯斗王者疾病臣謀其君子謀
其父弟謀其兄是謂無理諸侯不道天下易政
大亂兵起期百八十日遠一年內

春秋緯曰彗孛出南斗天下有勢皆謀

荆州占曰彗掃出斗天下皆謀土

甘氏曰彗星出入南斗大臣謀反兵水並起天下
亂將軍有戰若流血若滅斗其國主亡若星明
反臣受殃近三年中五年遠七年

孝經雌雄圖曰彗出斗中宮中失火燒寶

石氏曰彗掃干犯南斗房赤帝之后受令人主凶
有國亡

晉武帝太康八年九月星孛干南斗長數十丈餘

日滅太康末武帝執晏遊多病是月乙酉帝崩
永中元年賈后誅楊駿及其黨與皆夷楊太后
亦見殺是年又誅汝南王亮衛瓘楚王偉王室
空兵喪之兆

牛宿

甘氏曰彗掃干犯牛宿吳起兵自彗三年而滅

陳卓曰彗星出牛中國起兵期一年遠三年

荆州占曰彗入天鼓有兵

又曰彗星干犯牛女之間其狀如帚本有四星

大德堂
壘然此星出為兵乃辰星變見不過一年兵革
大起國饑

海中占曰彗星出牛四夷兵起邊境內亂為爭戰
中國人主有憂期一年中二年遠三年

陳卓曰改元易號之象也

聖治符曰北夷驕奢治將為亂

漢章帝建初元年八月庚寅彗星出天市長二丈
所行稍入牽牛三度積四十日稍滅天市為外
軍牽牛為吳越是時蠻夷陳縱等及安夷長安

延為西羌所殺又阜陵王延子男魴謀反大逆
廢為侯

哀帝連年二年二月彗出牛七十餘日占曰彗所
以除舊布新之象牽牛日月五星所從起曆數
之二正之始彗而出之更元之象也其出久者
為事大也其六月甲子夏賀良等諫言當改元
易號增漏刻詔書 平二年為太初元德元年
號曰陳聖劉泰平皇帝刻漏以百二十為度八
月丁巳已悉復蠲除之賀良反黨皆伏誅流放其

後卒有王莽篡逆之禍

晉惠帝永康元年十二月彗出率牽牛之西指天
市明年趙王篡位改元尋為大兵所滅
又占曰多兵糴貴中大死

女宿

石氏曰彗孛干犯須女隣國有以奇女來侍省者
其邦兵起女為亂若妻遷為后王者無信大亂
期不出三年若退女所親天下安庶矣

感精符曰彗出須女其國大兵起女主為亂王者

彗惡之將軍戮死若以戰亡期不出三年

巫氏曰彗出須女之間辰星之變也

陳卓曰彗出女宿帝以女亡有水災糴大貴鹽貴

晉孝武寧康二年正月丁巳有星孛干女虛芒長
四尺向西南指太元二年五月符豎入寇擄刺
史西平公張天錫

虛宿

却萌曰彗孛干犯虛中有哭泣之事墻垣無立者
有井田之法改制之事

又曰彗孛干犯虛其國亡

荊州占曰彗犯虛宗廟兵起

陳卓曰彗孛干虛其國戰野流血星芒角所指之

處兵所積也

又曰出虛主有大水期三年

帝覽嬉曰彗出虛兵大起天子自將兵于野大戰

流血其芒炎所指國必亡期三年遠五年

又曰彗孛出虛危之間同上占

運斗樞曰彗孛出虛危間大司空行誅

郝萌曰彗出虛危之間天下大亂

王曆曰彗孛出虛之中其國有叛臣兵大起將軍

出行國易政期三年

晉惠帝永康二年四月己有星孛于虛危西指

河津掃河鼓占曰為兵喪五月宮車晏駕明年

遣軍救青州二月太后崩

危宿

石氏曰彗孛干犯危其國有叛者兵起大將軍出

甘氏曰彗孛出危天下亂可空行誅有土功之事

廿兵大起期二年

玄冥曰彗孛出危其国有叛臣兵大起將軍出国

易政有大水民飢期三年

陳卓曰彗星出危帝必易有大水糴大貴

室宿

甘氏曰彗孛干犯營室先起兵弱不可以戰戰之

必亡地主將必亡去之期百八十日遠二年

聖治符曰彗星出室天下兵大起

齊伯曰彗出室壁間兵大起若有大喪有亡國死

王期不出三年以五色占吉凶

黃帝曰彗孛出見室天下亂易政後宮且有亂

一曰有德令

郝萌曰諸孛氣在營室民人疾疫死亡

河圖曰彗起芒臨營室以告咎

荊州占曰彗干守室則五校三軍動兵不戰牛馬

驚後出不出七十日

石氏曰彗犯守室先起兵者不可以戰必亡地期

三年遠六年

漢順帝永和六年二月丁巳彗見東方長六七尺
色青白南指營室及墳墓後順帝崩

魏嘉平三年十一月癸亥有星孛于室九日正
元二年二月李豐豐第兗州刺史翼後父光祿
大夫張緝等謀亂皆誅皇后亦廢九月帝廢為
齊王高公伐之也

漢成帝建始元年正月有星孛于室青色長六
七丈廣尺餘占曰室為后宮懷妊之宮彗加之
將害人性其後許皇后生詛咒廢趙飛燕為皇

后弟為昭義害兩皇子卒皆伏誅家屬徙于遼

西

出壁宿

石氏曰彗孛干犯東壁其國起兵廟堂大灾四門
流血天下阻隔

荊州占曰彗星干壁文章者死

邾萌曰諸孛氣入壁人民疾疫多死亡

又曰彗孛出東壁大水民流於道

巫氏曰彗孛出入東壁王者起兵毀壞宗廟四門

伏兵流血滂滂人民惶惶莫知其殃近期一年
中二年遠五年

奎宿

甘氏曰彗星干犯奎其國君出戰大飢人相食國
無繼嗣近期一年遠三年

又曰彗孛出奎有大兵起四夷來伐中國郡君
出戰天下大飢有大灾期三年遠五年

石氏曰彗彗出奎西北舉兵伐中國其下食石千
錢天下大水

荊州占曰彗星守奎魯國兵起

河圖曰杵彗出貫奎庫兵悉出禍在強候外夷相
應者謀期三年遠九年

晉惠帝永康五年四月有星孛于奎到軒轅太微
經三台大陵占曰奎為魯又為庫兵軒轅為后
宮太微為天子庭三台三司大陵有積尸死喪
之事明年武庫火灾西羗及叛五年司空張華
過禍賈后廢死魯公賈謚誅又明年趙王倫篡
位于是三公興兵討倫士民戰死十餘萬人

晉成帝咸康二年正月辛巳彗見西方在奎占曰
為兵喪奎又主邊兵四年石虎伐慕容晃不克
既退晃追擊之又破麻秋時晃稱蕃邊兵之應
也

婁宿

石氏曰彗孛干犯婁國有大兵四時絕祠遠不出
三年

又曰彗星出婁六畜疫

海中占曰彗孛出婁國大臣興兵四時絕祠有亡

國先旱後水人民飢死五穀大貴糴增價期一
年遠二年

胃宿

石氏曰彗孛干犯胃五穀不成倉庫空虛

甘氏曰彗孛犯胃其國兵起不出三年

黃帝占曰彗出胃昴之間狀如竹竿而倚此星出
為兵戎乃太白之變見不過一年其國兵起若

有喪

巫氏曰彗孛出胃大臣為亂天下兵起五穀不昇

大德堂
人民飢餓京都園倉悉皆空虛期二年中五年
遠七年

又曰彗星出胃昴之間大國起兵

郝萌曰狀如竹彗為兵灾若火

昴宿

甘氏曰彗孛干犯昴大臣亂國兵大驚期一年見
于昴有喪

運斗樞曰彗孛出昴畢間大邦起王

郝萌曰彗出昴教色赤邊有大兵謀反天子有憂

巫氏曰彗星出昴大臣為亂君弱臣強邊兵大起
天子憂之人民驚恐國有憂主期一年中二年
遠三年

漢光武建武十五年正月丁未彗星見昴稍西北
行入室犯離宮三月乙未至東壁滅見四十九
日占曰彗星為兵又除穢昴為胡兵至十一月
定襄都尉陰承反太守隨誅之虜苦從匈奴入
居高柳至十六年十月芳降尚璽綬

一曰昴為獄事是時大司徒歐陽歛事繫獄踰

九德堂
歲死離宮后之所居彗犯之是除宮也是時郭
后已疏至十七年十月遂廢為中山太后

畢宿

甘氏曰彗孛犯畢胡為寇中國亡近一年遠五年
荊州占曰彗孛干犯畢有死丈夫數萬人邊軍戰
陳卓曰彗孛見畢中原流血

黃帝占曰彗見畢甯之間小而長狀如直竿有星
壘然此星出為兵戎此鎮星之變見不過一年
兵起宮中女主有殃

巫氏曰彗星出畢北胡為寇亂中國邊兵戰有流
血若有亡主將死期三年遠五年應之

石氏曰彗孛出畢大兵起馬貴其星內指邊兵勝
其星落地兵破

黃帝曰彗孛守畢柄候邑益土守畢口中邦相為
亂邑易政邑君大臣當之

又曰彗孛出附早庶雄起陪臣反

司馬彪天文志曰漢獻建安五年十月辛亥有星
孛于大梁冀州分野時表紹在冀州十一月紹

軍為曹操所破七年夏紹死曹遂取冀州

觜宿

石氏曰彗孛干犯觜宿國兵起天下動擾期一年
遠三年

荆州占曰彗孛犯觜其國兵起破亡

甘氏曰彗星出觜其國兵起有失地死王天下民
流大臣出戰下有亡國期三年遠五年

石氏曰彗星出觜穀大貴大臣出戰期七月

劉向曰彗孛見觜必有破國亂君伏死免其辜者

漢景帝中元二年三月丁酉彗星夜見西北色白
長尺在觜旦去益小十五日不見觜梁也是時
梁王懼恐伏腐錢謝罪然後得免

參宿

石氏曰彗孛干犯參宿其國邊兵大敗其君亡近
期一年遠三年

甘氏曰彗孛出參大兵蔽地文臣謀反后有憂天
子躬甲冑鉞大用兵馬馳道弓弩恒張近期三
年遠期五年

黃帝占曰彗出參伐天子更改

又曰彗與熒惑並見於參天子更改一日受政

荊州占曰彗出于參井之間士校殺伐長吏

石氏曰彗見參伐大國君不吉

郝萌曰彗茀流入參若出參者其年兵起

漢元帝初元五年四月彗出西北赤黃白色長八

尺後數日長丈餘東北指參分後二年西羌反

左將軍奉世擊平之

井宿

甘氏曰彗字干犯東井其國兵起

黃帝曰彗茀干犯井大使出野兩軍相當期三年

荊州占曰彗出井大臣謀其國用兵期八十日

郝萌曰彗掃出東井上並煞漸漸長上白下赤狀

如矛刃此為兵災太白之變也

又曰彗字出東井其國兵大起車騎滿野有軍

大戰有死者若大臣有誅期三年中六年遠九

年

陳卓曰彗出井人民讒言國政崩壞天下大水

又曰彗在東井大人死見三十日主將當之見
五十日相當之見七十日主當之

秦符堅九年四月有星出尾箕長丈餘狀如彗而
末曲或名蚩尤旗拂于東井自夏及冬不滅太
史令張益孟光奏曰彗起箕尾箕尾燕分而拂
東井井乃秦分燕之首尾亂於秦東朝鮮卑曆
世稱燕今慕容暉父子兄弟世處而不報聖朝
職爵鱗次執權秉勢馳輪躍馬貴潔莫與為二
宜小抑退除其渠帥天變地螫手壯夫解腕玄

地
象告兆事應無差不納後慕容暉遂稱王於燕

鬼宿

石氏曰彗孛干犯輿鬼大兵橫行近期一年遠三
年若天子小赦除咎

又曰彗孛出輿鬼名曰喪棲皆以赦解應之
又曰國有大兵戰死于野骸骨滿坑人民疾病
者死縱橫期不出三年王者以赦除咎則災之
消矣

荆州占曰彗出輿鬼国有大喪

陳卓曰彗茀出鬼人民疾病死亡者半棺木貴

柳宿

甘氏曰彗孛干犯柳國誅大臣兵喪並發外國變

主天下傾危期三年

荆州占曰彗犯柳周國當之期九十日

黃帝曰柳張注之間狀如燄火且燃此星出有兵

災乃熒惑之變見不過一年兵起國亡

巫氏曰彗孛出柳國誅大臣兵喪並起臣凌主大

早穀貴

詩含神霧曰彗守柳南夷將為亂

漢班固天文志曰孝武建元三年三月有星孛于

注張歷太微于紫宮至于天漢其後齊東膠西

江都王皆坐法削黜自殺淮南衡山謀反而誅

之也

星宿

甘氏曰彗孛干犯七星邦有亂臣國主不寧兵起

上殿貴人災戮大臣相有疑近期七十日遠期

一百八十日

荊州占曰彗孛干犯星宿其国有火起不出半年
河圖曰彗出星天子與聖叶期三年聖人出

甘氏曰彗茀出星国有叛臣人主不安兵起宮中
大臣戮死貴人當誅後有水災民飢谷貴不出
二年遠三年

郝萌曰掃星出星張之間狀如布從風如靡此星
為兵戎之象乃熒惑之變也

又曰彗孛出於星張之間狀如歛火且燃為兵

戎此熒惑之變也

魏齊王正始六年八月戊午彗星見七星長二尺

色白進至張積二十三日滅七年十月癸亥又

見軫長一尺積一百五十六日滅九年三月又

見昴長六尺色青白芒西南指七月又見翼長

三尺近至軫積四十二日滅嘉平元年司馬懿

誅曹爽兄弟及其與皆夷三族京師嚴兵

張宿

甘氏曰彗孛干張其国内外用兵王徙宮天下半

亡

石氏曰彗星出張天下大亂有兵王者移宮殿天下半亡人民惶惶無有聊生見五十日期三年七十日期五年百日期七年百五十一日期九年必發之也

陳卓曰彗出張大旱穀貴石三千粟尤甚

王莽地皇三年十一月有星孛于張東南行五日不見後一年正月光武起兵春陵會下頭新市賊張印王常及更始兵亦至俱攻破斬莽光武

興于河北復都洛陽

魏明帝景初二年八月彗孛見張長三尺逆西行三十一日戒占曰為兵喪張周分野洛邑惡之期十月斬公孫相明年正月帝崩

晉武帝太康二年八月有星孛見張四年三月戊申孛于西南四年三月癸丑齊王攸薨四月戊寅任城王薨五月己亥瑯琊王薨十一月戊午新都王薨

翼宿

黃帝曰彗字干犯翼其国有大兵臣有憂遠期一
百八十日

甘氏曰彗第犯干翼国有大兵其芒所指降伏近
期三年遠期七年

孝經鈞命迭曰彗犯翼天子失禮則字出翼

黃帝占曰彗星出翼軫之間天下皆謀上国大喪
人主死亡必有兵期不出三年

運斗樞曰字掃出軫翼之間天下有勢皆謀

石氏曰彗出翼其国有喪以水為飢民多流亡視

芒所指必有降伏期三年遠六年

又曰彗守翼大臣謀反谷貴

郝萌曰彗第出翼軫之間狀如布從風而靡為兵
灾此熒惑之變也

軫宿

甘氏曰彗字干犯軫兵喪並起期半年遠一年

巫氏曰彗出軫天子崩兵喪並起滿宮門車馬無

主民無定君期三年中五年遠九年王者以教

除咎災則消矣

漢獻帝建武十二年十月辛卯有彗孛見于鶉首
荊州牧劉表專據荊州明年秋卒子琮自代曹
公操將攻荊州琮懼詣公降

大唐開元占經卷之八十九卷終

大唐開元占經卷之九十卷

彗孛犯石氏中官

石氏曰彗孛犯攝提天下亂帝自將兵于野兵起
宮中王者有憂期不出二年

郝萌曰彗星出攝提主迷惑天下兵起

齊伯曰彗孛出大角傍可六七丈天下大亂兵起

國易政期三年中五年遠七年

郝萌曰彗星出入大角可七八丈天下更改

鈞命決曰彗星出入大角若守之天子亡仁

黃帝占曰彗星犯守大角大兵起國不安天子失
御有亡國更改

洛書說徵亦曰彗星貫大角坐兵亂起

荊州占曰彗星守大角人主亡

西漢沛公三年十月有彗出于大角旬餘日乃入

是時項羽為西楚霸王主諸侯天下歸心於漢

楚將滅故彗除位也

海中占曰彗守干犯梗河天子慎胡胡亂中國

大陳卓曰彗犯梗河胡兵為敗

巫氏曰彗出梗河四夷兵為敗胡寇亂中國若守
之王者誅四夷期三年

陳卓曰彗守干犯招搖故寇大動期一年

石氏曰彗星出招搖故寇未國若胡敗

黃帝曰彗星守招搖胡王死不出二年

漢孝武大初中星守干招搖其後漢兵伐大宛斬

其王

陳卓曰彗守犯玄戈胡戰單于大敗期二年

玉曆曰彗出玄戈夷狄兵起單于大敗其國破亡

期一年遠三年

甘氏曰彗孛犯天槍王者備夷狄防捍邊境若有
驚恐人民憂

陳卓曰彗守天槍鉞大用誅殺不當梟首之民
聖洽符曰彗星出天格兵四起

石氏曰彗孛干犯女床貴人有暴誅期百八十日
齊伯曰彗孛出入女床貴人有憂若有暴誅者

又曰貴女有罪者期百八十日遠期一年
甄曜度曰彗孛出七公忠言者凶議人下獄政令

不行王者信讒奸臣在側其國憂敗

春秋緯曰彗孛出貫索大臣憂有反者

海中占曰彗出貫索必有反者殺君若有大赦期
百日遠一年

孝經內記曰彗孛出貫索諸侯作福

陳卓曰彗孛犯天紀天下國相擊若地動

班固天文志曰漢孝武建元三年四月有星彗干

犯天紀四年十月而地震

宋書青龍四年十一月己亥彗星犯天紀景初元

六年六月地震

玄冥占曰彗星出天紀大臣相戮兵起宮中五後

憂若出走期二年

文曜鉤曰彗星出織女后黨為亂貴女有誅者若

有女變期百八十日

甘氏曰彗星出織女有降主

運斗樞曰彗星出入織女女主之黨友

陳卓曰彗星干犯織女后族為亂貴女有誅者期

三年

石氏曰彗星犯天市所犯者誅

巫氏曰彗星出天市豪傑內外俱起執令者死大

臣有誅期二年

漢獻帝初平四年十月彗星出兩角間東北行入

天市中而彗占曰彗除舊布新之象入天市將

易都時上在長安後二年東遷至洛陽其八月

曹操迎上都許

石氏曰彗星犯帝座大臣為亂守之不去貴人有

變更政令

石氏曰彗孛干犯候星兵起帝宮大國易治期三
年若出候星天下亂宗人相敗若相攻士卒有
急行不出其年

玉曆曰彗孛出官者左右貴人有罪若刑于市者
不出二年

劉向曰官者在天市為天市為中外有兵

聖治符曰彗孛出斗星天下亂民不從斗不用事

一人民飢

甘氏曰彗孛出宗正宗主有事若左右親族有死

者期百八十日遠一年

齊伯曰彗孛出宗人王者同姓臣罪若親族有謀
者期不出一年

甄曜度曰彗孛出宗星主恩薄以親為疎簡宗廟
則彗出之

春秋緯曰彗星出入宗星族人反

文曜鈞曰彗孛出兩咸女主淫佚自恣宮門不禁
若貴女有憂

巫氏曰彗孛出天江天下大水舟船用五谷不登

其歲人相食期三年

陳卓曰彗星干歷天江大兵攻王國王者以赦除

咎則國豐升

石氏曰彗孛干犯建星王失道忠言者誅賢士外

黃帝曰彗孛出建星道路不通多盜賊子攻父弟

攻兄守之則有大兵將軍出行期一年遠三年

帝覽嬉曰彗孛出天弁寶玉大貴若糴貴五倍萬

物不興其國飢

郝萌曰彗孛入守天弁皆為囚徒起兵

石氏曰彗孛犯河鼓俱有兵

黃帝曰彗孛守河鼓有死將守中星大將死守兩

傍星小將死期一年中三年遠五年

石氏曰彗孛出河鼓天下起兵大將出謀旗鼓立

春秋緯曰鼓鳴武士發天子賊

石氏曰彗孛犯離珠後宮為亂宮人有誅守之陽

為大旱守之陰為大水五穀不登人民飢

石氏曰彗星干犯匏瓜國政亂近臣相謂官有戮

死者王者以赦除咎

王曆曰彗星出匏瓜人主因食瓜而亡若果中有
毒藥害其君若食官憂若守之魚鹽貴十倍菓
物不成

石氏曰彗孛犯天津賊斷王道

郝萌曰彗星干犯入天漢中有亡國當其野變之
甘氏曰彗孛出天津關津不通若關吏有憂若守
之天下大亂津河隔塞有旱灾期三年

雜書摘亡辟曰彗見漢中亡君之戒

晉中興書曰安帝隆安四年十一月星孛干貫索

及天市中天津其時元顥輔政刑罰不中故掃
貫索發搖無度故掃天市建士失節故掃天津
天津關通萬川利關梁也天市貨財帛周百姓
也貫索平察刑獄無枉濫也而元顥皆反之天
若曰掃除穢惡之令改革也顥不悛遂致復戒
運斗樞曰彗星出王良好遊馳奉車反
齊伯曰彗星出王良兵馬大動車騎行天下有急
馬多死

一曰水道不通關津閉塞期一年遠二年

魏陳留王咸熙二年三月彗見王良長丈餘色白
東南指積十二日戒占曰王良天子御駟彗掃
之禪代之象除舊布新之象白色為喪王良東
壁宿并州分野八月晉王薨十二月帝禪位于
晉

陳卓曰彗孛干犯蟠蛇水道不通天下隔共二年
聖治符曰彗出騰蛇王者居正殿不私行則災自
消無咎

魏曜度曰彗孛出閣道天下津梁不通兵大起御
道有伏兵謀殺其主王者宜備之

陳卓曰彗孛干犯附路道不通天下半隔期二年
海中占曰彗孛出附路天下大飢車駟滿野道中
縱橫人主臨兵期三年

玄冥曰彗孛出天大將軍兵大起將軍出旗陳立
若守之大將死者若有誅期不出二年

文曜鈞曰彗孛出大陵國有大喪有土功墳陵之
事

春秋緯曰彗孛出入大陵天子以不慈見犯復出

之將反若守之天子崩明雷期不出三年遠五年

年
巫氏曰彗孛出天船天下大水舟舡用事若外夷
來侵水兵起期一年

春秋緯曰彗星出舟星外夷侵中國

石氏曰彗星干犯五車兵革滿野天下半傾百姓

徙居去其土期三年

春秋緯曰彗孛出五車穀霜兵起主賣位天下賢

名走

黃帝曰彗孛出五車兵大起車騎行有攻戰糴大
貴人民飢若守之先起兵者昌後起兵者亡期

三年

帝覽嬉曰彗孛出卷舌人主用讒言誅忠臣貴人
有戮死者一曰民多言訟不出其年

春秋緯曰彗出卷舌主有聽諛之禍遇殺大臣反

石氏曰彗孛出天關兵大起道路不通民多盜賊

必有閔塞之事人主有憂

玄冥占曰彗出入天關而守之天下道絕國多盜

古賊閔梁不通人主有憂期一年遂二年

海中占曰彗孛出南河蠻越兵起邊城有憂若閔

吏有罪者

彗守南河為大旱出南河北夷為亂來侵中國

若守之胡軍敗

彗守北河為大水期不出三年

石氏曰彗孛干兩河界間天子出走大臣親盛亡

王者以教除咎

黃朝鮮之代星拂河界

漢武帝元封年間孛星守于河界其後漢兵擊破

朝鮮北為樂浪玄菟郡

石氏曰彗孛干犯五諸侯王室大亂兵起天子宮

廟不祀

春秋緯曰彗孛出五諸侯明牧反九州叛謀

玉曆曰彗孛出入五諸侯執政人有謀若有被戮

者貴人當之人主有憂期一年遠二年

石氏曰彗孛干犯積水兵起宮中宗廟毀絕大臣

有憂

石氏曰彗孛干犯積薪有乱臣在宗廟

石又曰彗孛干犯水佐道不通伏兵在水中以水

為害入宮心入主亦災也一平盡二平

甘氏曰彗孛出水佐天下以水為憂有兵起五谷

不成人民飢

石氏曰彗孛干犯軒轅近臣誅滅宗族王者以赦

除咎

黃帝曰彗孛出軒轅皇后有憂若失勢宮人不安

若人主有憂或入而守之天下大乱易王宮門當

亦閉若女主死期三年遠五年

運斗樞曰彗孛出軒轅天下大乱易王以五色占

石氏曰彗孛干犯少微有白衣聚者凶術士不顯

智者逃亡期三年 又曰若出之軍士大起

巫氏曰彗出少微多能臣有戮死者若上臣有罪

一曰法令臣有誅者

石氏曰彗孛干入太微庭中臣謀主有兵起王者

灾社稷有憂期百八十日遠一年

郝萌曰赤黃星狀如蕪入太微婦女喜出太微天

子賜諸侯美女

春秋緯曰彗若出犯執法御史反

又曰彗星出而彗太微天下亂不過三五必易

政以色占之

運斗樞曰彗孛出若干太微法式滅帝死于野

玉曆曰彗星出太微帝宗后族為亂大臣弑主謀

或在親戚御臣王者有憂期三年

若犯之天子后妃去宮人不安女主有憂

石氏曰彗出太微中火大起殺人

甘氏曰彗出天庭有亡王若徙王天子國言明外

雌雄圖曰彗在太微君害臣

司馬彪曰彗入太微天下易王

石氏曰彗孛如粉絮入太微犯守帝座國有崩喪

大臣去主王者以赦除咎天下大亂兵起若犯

守五帝輔臣有誅執政者亡期三年

彗彗干犯座星王者亡子孫不昌王者循孝于天

奉宗廟郊祀則災除

洛書說微示曰彗刺帝四傍中大亂

荆州占曰彗星銳如劍正赤直抵座星天子有為
兵起大星如首箒抵帝座傍左右諸臣兵起內
彗廷大乱

陳卓曰星狀如箒正赤抵聖座星者婦女兵乱

王曆曰彗星出屏星守衛臣有謀若有罪執法者

當之

石氏曰彗孛干犯即位

陳卓曰彗孛干犯即位臣失勢

運斗樞曰彗星出即位即官謀反天子因官即位

所主之官也

王曆曰彗出即位左右守衛為乱若有謀者入主

驚備之

石氏曰彗孛出即將大將有誅者若有罪

一曰大臣為乱有兵起

甘氏曰彗孛出常陳若守之王者出誅左右守衛

之臣又曰若守防者有死期三年

黃帝占曰彗孛出上台司命主有兵起大臣三公

有自立者若守之貴臣有誅上公有慶期百八

十日遠二年

彗星出中台司中奸臣有憂兵大起貴人當出若

守之中公有憂若誅

彗字出下台司祿近臣有罪若憂死若守之貴人

多死下公當之將皆不出三年

運斗樞曰彗星出三台西相反出其中太尉反出

其東大司馬反

孝經內訛曰彗在三台臣害君也

雌雄圖曰彗出三台有陰謀奸究起

意一曰宮中火起大臣害君禍大起

陳卓曰彗字干犯相星輔相有憂不出一年天下

變更其民多移徙

雌雄圖曰彗字出天牢諸候作禍相賊害

荊州占曰彗星出天牢豪傑中外俱起

齊伯曰彗字出入天牢貴人多下獄若大臣有戮

其國亡期百八十日遠則一年

石氏曰彗字干犯文昌輔相受殃近期三年遠期

六年

大德堂

運斗樞曰彗出文昌上將星大將軍反出次將星
左右將軍反出貴相大司徒反出司祿得勢大
臣反出司命天下有權者俱反乱尤甚

合誠圖曰彗星而彗文昌天下大乱故以色占之
甘氏曰彗孛出文昌若守之天下大乱大臣受殃
國易政各以五色占之近一中二遠三年期
春秋緯曰彗孛于北斗中有推聖人受命天子
潜潭巴曰星孛于北斗璇璣更授天子起走
感精符曰孛彗入北斗中者大國結謀伐天子

運斗樞曰行之至號諸侯爭權天下皆叛兵合禍
構逆乱之變也

辨終備曰彗入北斗帝宮空

彗入北斗得聖主

感精符曰星孛入北斗兵大起將有以外權以兵
為政者

坤靈圖曰至德之萌黃星孛于北斗必以伐己日
其光無芒文行無武動事莫之敢拒者
漢含孛曰彗入北斗強國乱

鈞命决曰周襄王不能其母孛入北斗

甘氏曰彗涕流入北斗魁中得名人不入北斗魁

中失名人

劉向曰孛入北斗和乱之臣将弑其君

京房曰星孛入北斗則大臣反

邾萌曰孛星入北斗中国使匈奴

荆州占曰彗星流北斗中諸侯戮春夏期三月秋

冬期一年

黄帝曰彗孛出北斗長有八九尺天下更政易王

暴兵卒起期百八十日若一年

春秋緯曰彗星出北斗九星中九卿反如星所主

其政毀其人乱

潜潭巴曰彗星出北斗樞天子亡諸侯息

雌雄畜曰彗孛出北斗中宫中火起

石氏曰彗星出北斗長可七八尺天下大乱国易

政有兵起若大战先起者亡中起者殃後起者

昌期三年中五年遂九年

海中占曰彗星出北斗大臣謀反兵大起若入北

斗魁中大臣誅死若被誅三日乃治春夏期三年秋冬期一年

魏氏篇曰彗星出于斗中宮中失火燒寶藏

郝萌曰彗出北斗長八九丈名曰勉功勉功出天

下更政

荆州占曰彗出北斗反而入北斗後得大臣其出

北斗亡其大臣一西一東害于侯公一南一北

成在金華一入一羸天下不寧

彗出北斗中聖人受命

玄冥占曰彗出北斗必有大戰流血若入北斗得

名將不入斗中失名將各以其其中占其國不出

其年

石氏曰孛星出北斗中大臣諸侯有受地者

巫氏曰彗星見于北斗天下更改

洪範傳曰孛星見北斗中大臣諸侯有受誅者

一曰受兵

甄耀度曰彗孛貫北斗下有傑王五軍合

彗星守北斗易主

孔演圖曰彗孛守北斗天帝謀易王

春秋緯曰彗星守北斗強國伐諸侯爭天下

海中占曰彗孛守北斗強國發兵大臣爭權大人
有憂國易主天下不寧守之三日以上大臣當

誅期三年遠五年

春秋緯曰彗孛出輔星庶雄起陪臣反

感精符曰彗孛干紫宮將有陰謀反者

陳卓曰彗孛干犯紫宮有大變拔兵上殿

春秋緯曰彗入紫宮有奇令其國謀反

荆州占曰彗星出長垣邊兵反抵紫宮天下易政

黃帝曰彗出而抵紫宮天下大亂出而入守之宮

中有兵天下大亂有亡國易政以五色占其國

期百八十日中一年遠三年

荆州占曰彗守天子宮有亂天子之政者

春秋緯曰彗星入樞星名人起相誅天下亂其八

年五霸起帝主

玄冥占曰彗星出北辰臣謀弑其主有自立其王

彗耀刺下為寇害期一年

荆州占曰彗星刺天樞五精之類謀

黃帝占曰彗星入守北辰除舊布新三王立五旗
生有瑞命之應名人起兵天下大亂君臣相誅
春期不出百八十日中一年遠三年

石氏曰彗星出勾陳臣弑其主若入守勾陳幸臣
亂宮若有誅者期不出一年遠三年

黃帝曰彗孛干犯天一太乙宮門不閉王者內不
貴安近臣亂不出三年

彗孛犯石氏外官

春秋緯曰彗孛出庫接兵動駕主位臣下不聽命
石氏曰彗出庫接天下兵起車騎滿野庫兵發
一日民以飢兵起期三年

玉曆曰彗孛出南門有兵器用若道路不通
齊柏曰彗孛出平星執法臣憂政令不行國失綱
紀

石氏曰彗出平星主以峻法為過海內亂

春秋緯曰彗孛出騎官英雄起天子憂

甘氏曰彗出騎官士卒發用兵騎出若守之將軍

若有死者期三年

甄耀度曰彗孛出積卒有謀將者星若去疾謀不成若守之主將有憂

春秋緯曰彗出積卒衛士並為亂禍不成

文曜鉤曰彗孛出龜星珠玉有出者寶物大貴若守之君臣不和上下乖離

春秋緯曰彗孛出傳說主以祠非其神失禮為內外所謀巫祀起天下匿諛在宮中

石氏曰彗出傳說王者后宮少子孫若守之有絕

嗣之君

春秋緯曰彗孛出魚星后黨反

玉曆曰彗出魚星天下大水海魚出名水溢若守之天下大旱魚行人道不出其年

甘氏曰彗孛出杵星歲大飢有兵起民以朱粟為憂若軍絕糧

聖洽符曰彗孛出驚星有大水白衣之會若有水令若守之其国大旱

齊伯曰彗孛出九坎有水旱之災出南則大旱出

者北則大水

甄曜度曰彗孛出敗曰天下有急兵當有米粟之

事國有憂期二年

春秋緯曰彗孛出羽林軍人大反

海中占曰彗出羽林兵起宮中臣弑其主大人被

甲有亡國若守之三十日國破主亡期三年

春秋緯曰彗孛出天壘城校尉次軍反成

玄冥占曰彗孛出北落若守之兵起大亂若殺大

將人主自將兵於外四夷作亂期三年遠五年

文曜鉤曰彗孛出土司空兵大起有土功事若營

室一曰大將憂期一年

巫氏曰彗孛出天倉兵革大起粟大貴天下民飢

以粟為憂若有轉輸之事

海中占曰彗孛出天倉天下粟出若守之久國無

儲糧人民飢期三年

巫氏曰彗孛出天困倉庫空虛無儲糧有出粟天

下大飢人民流徙期二年

帝覽嬉曰彗孛出天廩其國大飢倉粟出廩人飢

死其分兵起期不出三年
春秋緯曰彗孛入天苑都護反

黃帝占曰彗孛出天苑兵大起馬多發畜牧不蕃
多有死者

一曰禽獸麋鹿多死

孝安帝永初三年十二月乙亥彗起天苑南東北
指長六七丈色蒼天苑為外兵是後使烏桓擊
鮮卑又使中郎將任尚擊虜皆降之也

春秋緯曰彗孛出天弓暴骨遍野死尸滿路流血

千里

石氏曰彗出天弓天下大亂兵起弓弩用大將出
有變 又曰弓弩大貴期三年

玉曆曰彗孛出玉井大兵起強國失地

一曰彗守玉井天下大水河海溢流民多沒死
井氏曰彗孛出屏星大臣有戮國有憂

一曰彗守屏星人民疾疫有移國

聖洽符曰彗星出廁大臣有憂若廁有謀兵欲害
主備之

一曰彗孛入厠天下人飢相食期二年

齊伯曰彗孛出天矢若守之貴人多患腹而死者

人民飢多死以五色占黃則吉青白疾黑死

甄曜度曰彗孛出軍市大兵起軍糧絕天下大飢

將士離散兵多死亡期二年

海中占曰彗孛守野鷄大將軍死軍市破諸侯相

攻有亡國期三年

黃帝曰彗孛出狼星國有急兵名將出將軍有憂

若守之必有千里之行大戰流血死者大半期

春三年中五年遠七年

運斗樞曰彗出狼弧主次恣侵為過外夷反

石氏曰彗孛出弧矢弓矢大用大兵起其國亂驚

人民不寧多盜賊

巫氏曰彗孛出老人其色黃王者昌若守之色赤

有三芒人主受殃老者不康

海中占曰彗孛出天稷歲大飢五穀不成人民亡

社稷不安

彗孛犯甘氏中外官

春秋緯曰彗孛犯天理大司空斬將逐天子

甘氏曰彗孛出策星王者不宜出宮下有譟亂不

過七十日

陳卓曰彗孛入造父若守之僕御謀弑主有斬死

者兵盡起

春秋緯曰彗孛出人星尚書反

陳卓曰彗孛出扶筐將作反

春秋緯曰彗孛出酒旗主以酒過為相所害

春秋緯曰彗孛出諸王諸侯稱王南吳楚北燕趙

東齊宋西秦晉

石氏曰彗孛出司恠主多妖祥之事僻偽起大臣

王候代主之位

又曰彗孛出天高廟臣反名王起改號

甘氏曰彗孛出天潢有將反者

巫氏曰彗孛出天街五候並起天子自埋

海中占曰彗星出天街內有賊人

春秋緯曰彗孛出谷鎖兵起人主以妄誅叛逆大

臣反

石氏曰彗孛出闕丘帝王威

彗孛犯巫氏中外官

甘氏曰彗孛出長垣大臣謀反兵起宮中天下有
亂亡國人主有憂期不出二年

春秋緯曰彗星出長垣邊兵反

春秋緯曰彗孛出天廡官之法令為法度教起變

臣執主勢

陳卓曰彗孛出天廡出而守之天下名廡有失火
者若移徙

天廡一曰天下廡車馬有恠

大唐開元占經卷之九十卷終

大唐開元占經卷之九十一卷

風角

候風法

凡候風必于高平暢達之地立五丈長竿以雞羽
 八兩為葆屬竿上候風吹羽葆平直則占亦可
 竿首作槃作三足烏于槃上兩足連上而外立
 一足係下而內轉風來則烏轉迴首向之烏口
 啣花花旋則占之以法五音烏者日中之精巢
 居知風烏為其首也今按占書云立三丈竿以

雞羽五兩係其端羽平則占然則長短輕重惟其適宜不在過泥但須出象象中不被隱蔽有風即動直而不激便可占候羽毛必須五兩以上八兩以下蓋羽重則難舉輕則易平時常占候必須用烏行軍權設取便用羽作葆之法取雞羽中破之取其毛多處以細繩繫縛內中夾之長三四尺許屬竿上其獨鹿扶搖四轉五復之風各以形狀占之

大風之名狀

爾雅曰風而雨土曰霾陰而風曰曠日而風為暴
又迴風為飄焚輪謂之顛扶搖謂之颺

李淳風曰按占風之家多云發屋折木揚沙走石等語若每占中俱著此語其文至繁今輟以象古例之
古云發屋折木揚沙走石今謂之怒風多為不吉之象

一曰風之內轉三移方古云四轉五復今謂之亂風亂風者狂亂不定之象

古云無雲晴爽忽起大風不頃刻而止絕絕復忽起謂之暴風卒起乍有乍無今謂之卒暴之風主有陡變奇暴之事

又云鳴條擢樹蕭蕭有聲今謂飄風善惡依經旨古云迅風觸塵蓬勃今謂之勃風

古云迴旋羊角扶搖羊角今謂之回風迴風者即旋風也

又曰風卒起而圍轉扶搖有如羊角自上轉輪有自上而下者有自下而上者或平條長直或磨

地而起總謂之回風亦專有占

古云清涼溫和塵埃不起今謂之和風

古云暗明昏濁寒凜森尅者今謂之霾曠

凡風融和清暢溫涼適時埃塵不起人情恬淡是謂祥風

凡天色晦暝雲氣昏濁風聲寒慘埃壙蓬勃是謂災風

凡風勢紛錯交乱乍起乍止深藏測其聲聒耳是謂小人魁惑風

風勢暴起南北不定離合氛埃是謂上下不寧風
風勢冥冥白日陰慘黃霧四合是謂政化未明風
風勢戢戢南北離亂高下蓬勃是謂大兵將至風
風勢凜凜烈人懷戰慄是謂刑罰慘刻風
風聲歛歛如火奔馳乍起乍息為旱火風
風声啾啾慘切令人悲憫為大喪風

凡連風冥晦四五日人皆悲傷為大水殺人風
凡吉祥之風日色晴明天氣清朗風勢和緩從歲
月日時德上來或乘旺相而來去地稍高不揚

塵沙人心喜悅是謂祥風人君德令下施之應
凡凶灾之風日色白濁天氣昏寒風声呌怒飛沙
捲塵乘刑殺而至當詳五音定八方觀其起止
以占之

今畧諸家寒尅白濁為例諸稱寒尅白濁今謂之
灾風

諸稱清明溫和謂之和風

諸稱大風寒冥冥日色無光沉沒露氣今謂昏風
一日之氣

諸例

黃帝占曰凡風之動皆不安之象也若在山川海濱空穴之間風所出處皆不可占之以為常或若在京宅城營之內戰障之所風勢異常揚沙走石日光昏濁則必占之凡人君理順四時則春無凄風夏無苦雨先王之治以天下為家兆民為子風起異常用意審之若紛錯交橫離合氛埃相注此風之應必在人主之象

李淳風曰巽為風風占災異最驗凡候風須築臺高二十四尺于上設竿令其四達無隱則遠近皆知其尅不爽矣

凡鳴條以上怒風起止皆詳其五音與歲月日時刑德合衝墓殺五行生尅旺相囚死以言吉凶仍以六情推之萬不失一

凡年月日時四煞五墓風從上來白日昏寒皆為凶風其日三刑最急生不及起有賊來暴至若行即防伏兵平時無兵防人謀害

凡年月日時刑殺五墓風起日色白濁日氣昏寒
興兵動重衆逢之急整武備

凡兩軍相當欲分主客以日辰所得納音為客以
時下十二時辰與風所來方為主若日辰納音
能尅時辰及方為客勝時下支神及風來方能
尅尅納音則客敗主人勝尋常家居亦以此分之
內外也

凡惡風三刑衝破墓殺風當日有大雨及三日內
幸有大雨其灾皆散

一白宮日風當日兩微日風三日兩羽日風五日
兩商日風七日兩角日風九日兩但依日數得
兩皆解

凡風自衝來為殃為喪為火為兵為大人死以日
占何國若當時有大雨即不占之

凡風哀兩及風後降雨皆兩氣也不占

凡風從太歲上來鳴條擺樹而天色清爽日色明
盛着體清涼溫和者祥風也天子有德令法不
私大臣畏懼國昌民安之象若風勢蓬勃揚塵

蔽天着人寒慘日白無光兼刑帶殺則為国有
暴令

月建為大臣 日為令長 時來為民

凡風溫熱逼人着地走石吹沙鳴條落葉為因風
以日辰占何国飢荒人民不安

凡風勢和緩不揚塵土氣色清溫日光皎潔以日
辰占何国歲美人安

凡風起歲月日時德上來鳴條落葉及宮日宮時
一天乾上發風皆為吉風

凡五音之日風起歲月日時刑上黑色勃勃然經
刻冥冥不見人形是謂妖風宮日為君以下四
日為大臣死其分下不熟民灾以日占国

干德

甲丙戊庚壬為陽陽德自處 甲德在甲 丙德

在丙 戊德在戊 庚德在庚 壬德在壬

此謂自處

乙丁巳辛癸為陰陰德在陽 乙德在庚 丁德
在壬 己德在甲 辛德在丙 癸德在戊

此謂在陽取合為德也

支德

歲月日時在子德在巳 在丑德在午

在寅德在未 在卯德在申 在辰德在酉

在巳德在戌 在午德在亥 在未德在子

在申德在丑 在酉德在寅 在戌德在卯

在亥德在辰 以次順行前五辰是也

月干德

寅午戌月德在丙 亥卯未月德在申

申子辰月德在寅 巳酉丑月德在庚

三合

申子辰 亥卯未 寅午戌 巳酉丑

六合

寅亥 子丑 卯戌 辰酉 巳申 午未

德干合

甲巳 乙庚 丙辛 丁壬 戊癸

歲月日時殺

寅午戌殺在丑 巳酉丑殺在辰

申子辰殺在未

亥卯未殺在戌

吟呻殺

四孟月在酉

四仲月在巳

四季月在丑

歲月日特刑

子刑卯卯為刑下子為刑上

丑刑戌戌為刑下未為刑上

寅刑巳巳為刑下申為刑上

卯刑子子為刑下卯為刑上

辰刑辰

巳刑申申為刑下寅為刑上

午刑午

未刑丑丑為刑下戌為刑上

申刑寅寅為刑下巳為刑上

酉刑酉

戌刑未未為刑下丑為刑上

亥刑亥

凡刑下來者禍淺刑上來者災深自刑者兼刑
上刑下其災尤深謂之三刑者刑下自刑也

五墓

亥卯未木墓在未

寅午戌火墓在戌

申子辰水墓在辰

巳酉丑金墓在丑

辰戌丑未土墓在辰

干刑

甲刑戌寅乙刑巳

丙刑庚

丁刑辛

戊刑壬

己刑癸

庚刑甲

辛刑乙

壬刑丙

衝破十二支

子冲午午冲子

丑冲未未冲丑

寅冲申申冲寅

卯冲酉酉冲卯

辰冲戌戌冲辰

巳冲亥亥冲巳

五音六属法

五音

一言宫

三言徵

五言羽

七言商

九言角

六属

庚属震

辛属巽

戊属坎

己属離

丙属艮

丁属兌

子午属庚

丑未属辛

寅申属戌

卯酉属巳

辰戌属丙

巳亥属丁

乾主甲子壬午

甲為陽日之始壬為陽日之終

子為陽辰之始午為陽辰之終乾初在子則四
在午乾主陽內子外午內為始外為終也

坤主乙未癸丑 乙為陰日之始癸為陰日之終
丑為陰辰之始未為陰辰之終坤初在未則四
在丑坤主陰故內主未外主丑也

震主庚子庚午 震為長男乾初九主甲對子庚
故震主庚以父授子故主子午與父同也

巽主辛丑辛未 巽為長女坤初六主乙乙與辛
對故巽主辛以母授女故主丑未與母同也

坎主戊寅戊申 坎為中男故主中干中辰

離主己卯己酉 離為中女亦主中干中辰

艮主丙辰丙戌 艮為少男乾上主壬對丙故主

丙辰丙戌是第五配

兌主丁巳丁亥 兌為少女坤上主癸對丁故主

丁巳丁亥是第六配

以地十二辰合十干以十干所屬者命之以其
言數納其音以主一日日辰相配共得一音此
納音之法也

納音

甲子壬申甲午庚辰壬寅庚戌為陽商

乙丑癸酉乙未辛巳癸卯辛亥為陰商

丙寅戊子甲辰甲戌丙申戊午為陽徵

丁卯巳丑乙巳乙亥丁酉巳未為陰徵

戊辰庚寅壬午壬子戊戌庚申為陽角

己巳辛卯癸未癸丑己亥辛酉為陰角

庚午丙戌戊申戊寅庚子丙辰為陽宮

辛未丁亥己酉己卯辛丑丁巳為陰宮

甲申壬辰丙午甲寅丙子壬戌為陽羽

乙酉癸巳丁未乙卯丁丑癸亥為陰羽

凡言宮商角徵羽日皆依此

地支十二辰五音法

子為陽宮土主帝王

丑為陽徵火主畢主火災主宮寺主口舌

寅為陽徵火主畢主火主峰燧

卯為陽羽水主兩霖主水主霧

辰為陽商金主大將軍主吏士

巳為陽角木主疾病主憂患

午為陰宮土主后妃

未為陰徵火主庶人土功蜚虫詔誥書檄及早

申為陰徵火主郵驛尉候主旱火

酉為陰羽水主霜雪雷電雨雹沉陰

戌為陰商金主小將兵丁及兵刃

亥為陰角木主死喪哭泣哀悼之事

李先生曰自午至巳皆為陰律所生故為陽自午

至亥皆為陽律所生故為陰

五音相動風占

宮日風從子午宮來為之宮動宮主人君出行急

風暴起急出有令慢風慢出有喜令以干支占

其遠近

風從陰宮來地震裂若后出行又為旱

一曰陽宮之日風從子午來君出行陰宮之日

風從子午來君_后出行

宮日風從子午來時加子午為重宮君欲行大臣

走又為風雨不調

宮日風從丑未寅申徵來為宮動徵有火燭有土
功寶物出有兵時如徵為重徵有義兵行有土
功有德令謂之義風

宮日風從卯酉來為宮動羽且有大雨不則大臣
出走若復為早宮君羽臣君怒臣走宮土羽水
土盛水衰水衰則火起故復為早時加羽為重
羽即有兩五穀成

宮日風從辰戌商來為宮動商有兵行且有客兵
來時加辰戌為重商有兵殃

宮日風從巳亥角來為宮動角有兵戰人主憂客
兵傷有喪從陽角來鬪兵戰有大喪宮為土為
君角為木土動木不勝故君凶木主哭泣故主
喪時加巳亥為重角人君不昌有大喪伐

宮日大風從乾來有暴雨湧水若風不揚塵氣色
和暢日光明盛不寒慘者國有差令良來山陵
崩壞人君出行水湧地裂巽來蝗虫生害五穀
坤來有土功走獸為害已上時加宮則占

徵日風從陽宮來土功起大旱火災頻起宮寺

風從陰宮來太子有疾時加徵有土功火災起
徵日風從丑寅陽徵來有火災君有恐走獸為人
害宮寺多焚從旺相來歲大旱多火災
風從未申陰徵來人君憂走獸為火災
一曰六畜多死時加丑寅未申為重徵國之四
門為火事

徵日風從陽角來有急兵人主出以兵自守期七
日若七十日

風從陰商來有急兵戰一曰風從陰商來輔臣

強大臣死民有殃以日占國

徵日風從陽羽來四隣有事實物出陰盈於陽且

有雷電霜雹諸候大臣多失火災四夷有兵

風從陰羽來寶物出多震電四夷有事

徵日風從陽角來有兵邊有急事金克木木于火

反尅金故有兵亦為喪

風從陰角來邊有驚火一曰邊兵大起春有喪

羽日風從陽宮來人持財物聚君有使令邊兵起

土功興將受命有乘會有寒雪雹

風從陰宮來暴寒傷物有水有土功有兵集
羽日風從陽徵來國有兵有急令臣有憂閉梁塞
道路不通

羽日風從羽來有白衣聚會有大喪大寒雪雹期
五日若五十日且有大雨兩從南方來國有憂
人多病兩從北方來賊聚水中且有霜雹雪霧
陽羽日應陰羽夜應

羽日風從商來有兵圍城不戰邊有急閉梁不通
大雨霧霓客兵不利金水子母和故不戰羽為
角除害象臣為君討賊故動必大雨不出戰故
也

羽日風從角來邊有兵圍城城破一日兵不解時
加巳亥為重角有圍城有大喪

商日風從陽宮來戒太子忌怨人臣有急兵土功
興商金母憂其子故為太子亦為人主有疾
風從陰宮來庶子有急變兵起北方

商日風從徵來國邑受令兵行將在外兵還臣受
兵令而行徵為號令商為兵商受徵尅故兵退

一曰小旱時加徵為重徵屬火有大旱火災
商日風從羽來有大雨水歲大荒國亂憂有兵起
東方羽水從金生故有大兵大水之事

商日風從陽商來有白衣聚會且有大水閼梁不
通大將軍出忌外兵邑有小寇人主憂國門四
閉兵在西方從陰商來有大殃粟貴其國有兵
風若怒期七日七十日有急令兵大起商為金
二金並行故有大兵大喪

一曰商日風從商來大臣死

大商日風從陽角上來有卒兵若急令從陰角上來
有喪土功作

角日風從陽宮來兵從中起君有憂國門四閉從
陰宮來有大喪貴人多疾病有土功宮為君角
主死喪致有大喪

角日風從微來大臣灾亦防火燭虫生粟貴
一曰吏檢人才有兵倉粟實物出

角日風從羽上來有大雨土功興邊有兵卿大夫
多口舌疾病亦為夷人相奪

角日風從商來有急兵一日臣不忠

角日風從陽角來邊兵起人主憂有賊至戰不勝

多死亡從陰角來有兵有喪

一曰遠喪至時加角有喪有邊兵戰盜賊起粟

貴民飢野多死人角主死喪重角尤甚也

大唐開元占經卷之九十一卷終

卷之四